

四庫全書

集部

欽定四庫全書

集部
橫塘集卷五
六

詳校官庶吉士_臣張溥

侍讀_臣孫球覆勘

謄錄監生_臣單可彥

欽定四庫全書

橫塘集卷五

宋 許景衡 撰

七言律詩

送李仔玉木場寨

塞垣人物豈尋常，推擇而今屬廟堂。
戚里從來有名將，家聲當復振諸郎。
古陂解凍千頃碧，官柳驚春一拂黃。
下馬也知無箇事，葵花詩興自難忘。

次韻曾光叔曇縣尉

我今自笑箇生庵才讀君詩舌本甘未暇清修齊臘八
要陪游冶趁春三

光叔有春風浩蕩約

極知世外交從好却厭塵

中富貴酣谿老絕無名利念不謀耕鑿即漁蠶

次韻張縣丞賀三貢士

貢籍初登郡學生海隅草木也欣榮一鄉三秀真希潤
大筆千言豈猥并樂育從來推絳帳作新何止換丹楹
會看騰躍如夫子淡墨高高揭姓名

世綵堂

萊子斑衣祇一身未如今日劔溪濱
一門純孝非無種百歲高堂更有人
饒得雲孫千指盛知他間世幾番新
太平佳話君休惜洗我從來兩耳塵

寄陳仲山

當年抱疾題新句老歲支離已可嗟
官學半生渾似夢塵埃兩眼漸生花
相從杖屨非無意歸去田園亦有涯
祇許刀圭振疲恭與公白首醉流霞

勞勞苒苒任年華何用逢春苦嘆嗟
但得千鍾傾竹葉

不妨一笑為桃花麒麟莫問行天路魚蟹從今飽海涯
祇恐愛閒成痼疾却須妙手泛丹霞

昏昏煙土客京華節物驚心祇自嗟一飽徒饕太倉粟
十年不見故園花躬耕舒嘯今方決卜築橫塘尚未涯
夫子元無療饑藥待從方士飯朝霞

寄張敏叔

壽春太守紫髯翁憶得當年笑語同應為江山盡詩助
更無音信問途窮簿書覩著鈴齋靜碁局拈來蠟炬紅

也待去為樽俎客却憐身世尚漂蓬

寄吳行可

憶昨揚旌過水濱一樽燈火夜相親
邊城喜有笑談頃鄉路誰知夢寐頻
山驛梅花初破臘池塘草色稍回春
新年持節經行處亦許孤燈續後塵

寄王經國

曾陪誕節祝堯年過眼星霜歲又遷
誰信江湖閒釣艇却來霄漢聽鈞天
錦筵樂事今何似蓬鬢蒼顏獨惘然

還戴賜花殘照裏九衢塵土醉搖鞭

寄文通

俗流指笑漫喧喧好古初心自惘然已分平生有書癖
况堪此日識碑顛萬金盡散英豪外千卷仍存六一編
洗眼何時拂塵篋待將點畫較精研

寄薛克勤

高才猶佐古諸侯樽俎時時好獻酬萬物也知皆有役
此身安得不言休烹鮮未覺民難治炊黍猶忻客少留

會看曲臺須舊德討論文物盡從周

寄敏叔

敏叔書云日與張卿天覺唱和

匆匆候館陪歡笑別去而今又幾年冠蓋由來在天上
音書還肯寄江邊也知官長多詩句未省誰人與酒錢
近日頻頻看除目諸公要路亦騰鶩

寄吳鄞縣

吳郎人物最雍容不墜家聲浙水東輦寺昔曾酬雪唱
道山今獨倚秋風簿書又報三年滿樽俎何當一笑同

卷盡暮雲天更濶
放教醉眼送飛鴻

舊有詩寄左與言兼呈劉元禮
今因寓此仍用

前韻寄劉

東行長憶過新樓
衣綵題詩贈李舟
千里尚歌公惠政
十年誰念我重遊
雨餘三洞雲俱散
水落雙溪月自留
莫戀城南好泉石
斯民屬意富民侯

左崇見寄以鄭虔張籍見況

憶向栖霞宮裏宿
論文獨喜子相過
酒酣尚覺初心在

歲晚其如別思何官比廣文還較冷詩疑司業不爭多
友生許予嘗如此更問旁人果似麼

寄左經臣

二年南邑好相看誰道忘形最較難別去光陰驚倏忽
春來書訊喜平安如何柳市多時住不向橫塘一笑歡
節物慳人詩興懶多應閒處凭欄干

依虞仲韻寄劉元禮

先友相從古所博杖藜當日喜盤桓雲泉何啻千年別

塵土長懷一笑懽但掃勞心身後事何須天地掌中觀
果容憐念如前約卜築從今始苟完

李彥益過景城以詩寄之

聞說安仁過東縣却撩梅福欲歸心畫船長是半日到
秋水而今幾尺深人散渡頭飛鷺下月明波底老龍吟
一杯相屬知何日驛路蟬聲急暮林

次韻寄盧行之三首

萬疊遙山鎖暮煙一江秋水渺連天憑欄正是滕王處

下榻誰知孺子賢
聞道白魚方切玉
更饒黃雀正披綿
一樽吟嘯無餘事
說著塵埃却可憐

莫厭喧譁近市廛
且欣空濶對江天
揮毫曾不斲珠玉
列學何須問聖賢
南浦西山雲漠漠
夕陽芳草思緜緜
飛牋遠寄京塵裏
多謝星軺尚見憐

撲撲金猊噓白煙
峩峩畫閣插青天
杯盤洒落有餘韻
翰墨風流追昔賢
遠岫長堆翠羽被
晚霞碎拍臘脂綿
銅章更有詩家子
橫寫緒餘猶可憐

寄李聖與

李侯自是金閨客，奔走人間三十年。
未信簿書能老我，何妨詩酒自陶然。
江山滿眼應相助，風月關心最可憐。
解道清陂新過雨，也教別乘愧前篇。

寄成正仲

畫繡初乘八月槎，肯來一笑子真家。
狂吟取次還成軸，戲酌無多已過花。
陳迹悠悠驚夢寐，勞生擾擾嘆長沙。
遙知高會還思我，共唱江天一抹霞。

寄行之

城南城北長嶽遠卜得甘泉坊裏居笑語不愁歸去晚
往還可似向來踈二毛自覺身將老一別誰憐歲又除
定是烏銀正忙裏怪生沒箇寄來書

問訊盧家大小僧憶渠旅思為消凝春禽言語得能好
秋水精神更乞增今日垂髻且嬉戲他年鼓翼看飛騰
懸知父黨無能解頭白絲絲面有稜

寄仲山

城郭長時厭還往却來郊外飽經過故人一別已多日
春色三分今幾何山鳥無端勸沽酒林鶯取次亦能歌
花邊欲作當年醉望斷東風十里坡

寄俞清老

寒棲巖谷古浮邱曾約同為汗漫游十載光陰如夢覺
半生簿領尚桴浮樓頭紅日半規晚眼裏青山萬點愁
淮水悠悠從此去試憑雙鯉到揚州

寄木尉君任

江湖萍梗漫流連
邂逅天涯獨慨然
老去鮑昭非俊逸
古來梅福是神仙
一樽笑語渾如夢
兩地音塵動隔年
有底樓臺堪寓目
平蕪千里夕陽天

寄宋國寶

問君何日過留都
想見初寒尚在塗
一去塵埃事奔走
歸來門巷更荒蕪
聲名盡欲傾時輩
貧賤今方見丈夫
勉矣此生忠與孝
扁舟未好問江湖

畫船重過穀城閭
撞著人人問子真
聞道詩書元有意

莫嫌州縣尚勞神一樽何日能如約五斗而今亦為貧
關塞塵沙騎瘦馬故園花柳一番新

題葉家雙蓮亭

鴛鴦也是池中物何似芙蓉出水新獨蕊應慚今夜月
羣花空占別時春恭惟陶冶歸元聖聞道丹青憶老臣
更向東郊看合穎我曹今作太平人

代書寄福清王居士

前日匆匆問起居此心耿耿復何如身從驛騎三千里

人在天涯八十餘，自是浮雲有南北。誰知明月滿空虛，半生俯仰今塵土。安得從容扣草廬。

陳節秀才失目贈之兼簡卓羅源

何事詩翁遽失明，朋遊相對淚縱橫。祇應藥石猶能療，肯與風光便隔生。老去篇章方得意，春歸梅柳最關情。風流密令雲孫在，雪唱何妨屢寄聲。

樂壽驛詩

富韓公使北
啓國書于此

迢迢古驛倚城隈，使者當年幾往來。慨慷誰無致君意。

急難方見濟時才自知
兵氣終須懾更覺天書不浪開
堂上遺塵何處去
太平父老獨徘徊

和姪邦彥登道山亭詩

縹緲三山海上州
登臨便覺壓鰲頭
風雲出沒千尋塔
煙雨溟濛幾葉舟
嶷嶷朱顏方照日
蕭蕭霜鬢獨驚秋
人間榮悴何須較
且把吟牋敵酒籌

次韻黃堯翁南漪堂書事

南漪勝槩壓西湖
珍重瀛洲肯寓居
紅藕自欣歸賦詠

杜鵑應嘆早驅除
煙收露下鳴皋鶴
風定波平在藻魚
箇裏凭欄知有得
絕勝閉戶病相如

敏叔除祠曹以詩二首寄之

掉却淮南好郡章
欵然馳驛對天光
有誰更草詩人詔
應數從前水部郎
霄漢豈惟收舊物
鬢毛每苦嘆新霜
十年尚有南昌客
塵土昏昏只恁忙

趙子相逢關塞間
一聞消息破愁顏
也知念舊心猶在
頗怪題詩寄尚慳
已分低頭從簿領
却因歸夢見江山

俱依風月應長好誰似先生耐得閒

謂方彥德也俱依洞天在台州方居

其旁

送蒲秀才遊南劍黃簡上官守

十年萬事盡參差惟有騷人似有期
山水窟中為俗吏簿書堆裏得新詩
從來好古幾成癖此去論交亦可知
安得相從飛兩槩看他郡國犬生羆

送韓存中學士二首

郡國棠陰日日濃乘軺衣繡惜匆匆
秋天鷓鴣風雲外

春草池塘夢寐中，聞道蓬瀛才有素。肯教江海樂無窮，
斯民未作北亭別。使節時時過浙東。

憶曾共飲揚雄宅，屈指而今又幾年。還喜名藩陪燕俎，
剩看醉墨洒吟牋。風煙冪冪留行旆，鷗鷺翩翩近畫船。
回首向來行樂處，斷行踪雨濕江天。

赤鑒客館以清陂名堂賦詩

古渡誰教名赤鑒，新堂自是面清陂。何人好事能題榜，
今我居先為賦詩。風靜波平人散後，雲收天濶月明時。

可憐此箇無窮意多少漁翁醉不知

清陂堂

當年平翠看青嶂

平翠在台州黃巖

枕上長教捲畫簾今日清

陂堂裏宿寒波萬頃浸銀蟾人間好景無如此物外清
遊豈易兼富貴功名非我事尚容山水樂無厭

即事

關河念念問歸舟秣馬翻為楚國游野性從來迷出處
濁醪端欲慰沉浮春風庭院花千片暝色簾櫳月一鉤

看盡天邊歸鴈過悲笳三疊下城樓

景城宛在水中央短棹飄然下渺茫
早路常期泛滄海異時誰復問瀟湘
看他賈客千帆過聽盡漁翁一曲長
家在東南千萬里寒煙漠漠又斜陽

城外黃河四面流此中真箇是瀛洲
雞豚散處看漁市蘆葦叢中認馬頭
子美淒涼聊遣興賈生卑濕不無憂
相過喜得田郎子時有新詩與唱酬

次韻邦直中秋夜月

秋半風高天四垂去年曾此賞清輝素娥可愛還依舊
游子誰知尚未歸望極星辰皆北拱興闌烏鵲自南飛
一聲水調何人唱莫惜淋浪酒濕衣

初至郡

流落翻為長樂翁也知天意憫人窮九仙巖洞寒林外
千寺樓臺落照中漸覺杯盤如里閑從教言語變兒童
郡人更說明年好綠葉垂垂荔子紅

蒲秀才集臨川詩

世人集句漫紛紜吾子超然有異聞獨把長矛探虎穴
不教仙翼浪雞羣離離池上生春草藹藹江南欲暮雲
喜得安居從此始絕勝殫析事虛文

呂子光惠牡丹

六年不見故園花每到花時只自嗟多謝故人分國豔
尚憐羈旅惜春華芳菲仙圃烘初日冷落書牕照暮霞
誰道無情便無恨祇應也學我思家

越州孝女朱娥祠詩

十歲人家小女兒凜然高節見臨危委身甘死凶人手
轉眼猶懷大母慈天子早曾加寵賜邑官今為立新祠
若教娥與名俱沒畏敵忘親未可知

贈張同年諸孫詩

綠髮蒙茸初著巾翁翁喚作掌中珍始知詩禮趨庭早
又見芝蘭滿院春青紫近來如拾芥文章此去不勞神
塵埃袞袞元無補應笑年家老丈人

王經國生辰

試問何時得異材
斗杓插子近句來
文星已作人間瑞
陽氣方從地底回
何有摩挲話銅狄
要看清淺半蓬萊
斯民再歲蒙休澤
多少歡聲入壽杯

和張子壽晚春

東風作惡也輕佻
桃斷送殘紅四散飄
自是春愁渾未解
不堪詩句苦相撩
冥濛薄霧迷歸燕
料峭餘寒入敝貂
齋閣但知拚一醉
儘教憲雨夜蕭蕭

諸友偶賦克己以戰喻次韻酬之

聞道除戎戒不虞何須深考七家書萬全要在先謀帥
多算安能便勝予豈止邊陲卧輦鼓嘗聞俎豆薦牢蔬
古來偃武修文者會使人人有室廬

謝諸友

絕學寥寥千載餘忽驚酬唱祖前書善人今得見之矣
吾道將行命也歟滴滴寒聲消臘雪融融生意看春蔬
不才聖世甘無用歸去先人有敝廬

贈敏叔二首

星郎持節厭驅馳解組蕭然兩鬢絲三紀聲名詩獨步
五州惠愛吏為師裕陵松栢秋風早茂苑江山落日遲
千載赤松應更喜故人孫子也相隨

公家舊物是尊鱸好箇歸休便入吳唯有五湖供放曠
也無三徑可荒蕪酒樽傾倒隨風月詩句流傳入畫圖
煙水悠悠來不盡高名千古與之俱

退食

退食尋常無箇事杖藜蕭散有餘歡小橋落日蓮峯碧

別圃薰風荔子丹
早路謀身多齟齬
餘生隨意得盤桓
橫塘應笑歸來晚
短艇依然倚釣灘

贈俞清老

昔我江淮幾還往
聞君兄弟有聲名
小軒便作陶彭澤
五字何如李少卿
自說此身看老去
却慙相見太忙生
何時粗有田園計
把手江邊取次行

贈鄭介夫

人笑流離自抱關
天教强健老林泉
回頭嶺海幾千里

屈指星霜五十年無事一樽誰與醉有時兩手自爭先
也知世上皆兒戲出處如公豈偶然

鄭公自用兩手圓
基左手勝則右手

把戲飲右手勝
則左手把戲飲

贈吳惇仁

長文
之孫

塵埃簿領判悠悠瘦馬尋春到海頭已是二毛侵老境
尚能一笑得英遊誰言前輩風流盡我覺名家世業優
但得此心常了了豈知州縣是淹留

贈董公權

前輩風流今掃地怪君尚肯轉頭看元來自作小兒子
猶及當初老長官簡冊微言齊日月絃歌餘澤在芝蘭
却慚江海生尤晚不得同年拜杏壇

壁山堂

在處看山多間斷經行尤喜得斯堂畫屏簇簇連千室
古壁蒼蒼遶四旁憶昨服官叨內府祇供嚴祀屬新陽
天涯寓目徒增感一覺鈞天夢帝鄉

題竹閣

西岑僧舍知多少竹閣巍然鹿苑中蠟屐登臨非俗客
石床宴坐屬詩翁黃金堦砌紛紛月碧玉憲櫺細細風
千里江山應在眼狂鞭何用作深叢

又招虞仲來竹閣

一諾定須遊竹閣多時凝望出松臺祇應城市醺醺醉
肯為詩翁特特來湖水秋來清見底仙山雨後翠成堆
欄干供盡登臨目鷗鷺翩翩日幾回

寄張宰幾仲

往在橫塘詩酒社而今不忍重尋思時人狂簡無如我
縣尹風流更有誰塞上塵沙長冥冥江南梅柳正葳蕤
人生閒健須行樂莫學安仁鬢早衰

送高宰

長愛西湖無點塵樓臺倒影雜星辰未能把釣為閒客
且喜鳴琴有主人搖漿何妨長載月新隄最好是遊春
何須更說林間雉看取熙熙百里民

送李彥侯宰黃巖

委羽

謂方
彥德

人物已先去陳迹風流猶至今
隱吏向來慚

懶散令君此去好追尋
春歸山奧十里雪霜後園林
三寸金况有左生詩句好
一尊端為伴高吟

自笑當初作底官
只應山水得盤桓
江樓風月傳觴後
邊塞塵沙行路難
間里樵漁無失業
歲時簫鼓有餘歡
十年父老今何似
為我從頭問訊看

題雁蕩山

別來當憶舊躋攀
好信迢迢慰病顏
多按地圖傳藥石

不煩寃夢到仙山
塵沙猶在微茫處
雲水都歸指顧間
看取蕩中多少雁
祇應飛倦始知還

跋亨老所藏買田帖

世間榮利等雲浮
珍重先生早轉頭
要得良田供玉粒
何妨累紙洒銀鈎
千金身後方為貴
十襲公家得盡收
我亦塵埃倦遊者
紫蘂二頃尚悠悠

送為章

使君遺愛在甘棠
故老于今尚未忘
椎鈍自嗟生太晚

風流猶及見諸郎鳴琴暫肯留山縣飛鳥還同指帝鄉
回首樓前江上月夜來無故照離觴

送李彥禮

持節西陲已清切還輿北道却盤桓當官未覺家風遠
抗疏要令邊計寬世俗多應笑公拙我曹徒解嘆才難
但將名節為親壽何止平反一笑歡

送廖用中

也知志業在詩書可是才高與世踈戲綵北遊非我計

督郵南去近吾廬
官田雨足秋多黍
城市潮來食有魚
更誦九江長短句
人間樂事得如渠

送趙仲明二首

康州之
猶子

關塞相逢眼便青
從容猶得問平生
高談大抵多忠義
先世元來好弟兄
但得朝廷收閥閱
不論文武盡功名
河隄奔走非吾事
去去神京信意行

役役都來幾獻酬
生憎別語攪離愁
五更門吏開魚鑰
千里春風在馬頭
若見遊從出京國
為傳消息到真州

田園未有歸來計萍梗而今已倦游

張敏叔時
守儀真

送商霖兼簡共叔

末學紛紛只是誇孔顏門戶本無遮農工商賈皆同氣
草木蟲魚是一家我欲收心求克己公知誠意在閑邪
汝南夫子規模大歸去相從海一涯

欽定四庫全書

橫塘集卷六

宋 許景衡 撰

五言絕句

宿崇國院

世塗足趨競野性惟閒散
卧聞風雨聲更覺江湖遠
再宿崇國院和前韻二首

能詩老工部好鍛狂中散
相望千載間未覺風流遠
羣山盡龍蟠十駕客驚散
嗜酒愧陶潛過橋煩惠遠

題坡竹

勁節風霜日平生忠義心誰知身死後寸墨市千金

絕句

五載客河關塵沙滿領間扁舟下清阪眼底是淮山
笑語三關去扶持萬里歸情知是同載為底更霑衣

江樓

江水去無邊江樓思渺然西風掛帆席一是歸船

七言絕句

默室

寶冠題榜意已到竹閣作銘言豈多入室人人知是默
誰知个裏有傾河

送人遊天台

洞裏桃花無數開玉人不肯放春回未容梅福休官去
應怪劉郎獨自來

過寶勝哭雅師二首

鳳凰巖石最稜嶒十載重來強一登怪底巖前能寂寞

年來失却兩詩僧

雅與外師
為詩友

陳迹都來俯仰間
空堂遺像已攔斑
白雲誰道無情劇
猶向山前自往還

借蘇子美畫像呈趙君

鐵面蒼髯見舊詩
人間物色轉參差
君家好本煩相示
要識滄浪晚步時

過襄城三首

范忠宣
嘗為邑

公子言歸歲月深
絃歌猶自有遺音
誰云故國無喬木

看取青青著作林

父老分明識長官青衫綠鬢照朱顏
故知廊廟經綸意也似鳴琴百里間

聞道愛民如愛兒從教閭里作兒嬉
紛紛行路皆垂白知是當年不忍欺

題野鵲

羽物從來數易完張生妙筆更多端
東山詩老今黃壤野鵲寒林忍更看

題醒心亭

醒心亭下水悠悠歸棹匆匆更少留何日飄然五湖去
醉吟還得過浮邱

春日

春日尋常醉不醒而今春日若為情青絲織手成陳跡
舉案齊眉已隔生

梅

朔風吹雪滿長安閩越生來不識寒却有暗香飄六出

不須借與外人看

送筍與經臣

短短犀簪尚帶泥
重重書卷已參差
題詩分贈君應笑
何似東坡噴飯時

再次江左司韻四絕句

平生學道竟何知
不覺垂垂兩鬢絲
六義賴公多比興
一言猶足慰朝饑

春風吹面立多時
此句誰知好色絲
未許飲河同鼯鼠

只消翫味已忘饑

玉粉盛來祇小盤
仁人覽物不徒然
豈惟廩賜皆民力
牛磨團團轉幾千

土木形骸付等閒
祇應飲啜亦皆然
蒸來十裂已堪笑
何況長持飯幾千

還自樂壽寄盧行之三絕句

漲水經春處處通
悠悠雙槩夕陽中
誰教醉眼添詩思
不是松江萬頃紅

順水知人欲到家
扁舟拂地過天涯
寄聲幕下紅蓮客
穩放銀河八月槎

當年玉帳撫轅門
鞀鼓聲中十萬軍
妙畧未應隨手盡
諸郎才氣各凌雲

行之見和再寄

大手從容靜塞塵
人間猶誦病參軍
詩家態度公能繼
還見春空藹藹雲

寄陳季衍父子二絕

珠霰瑤花糝暮天亂侵酒琖洒吟牋須知望雪亭前客
不學袁安閉戶眠

郊原草木盡枯荻重霧陰雲掃不開騎馬擁袍何處好
梅花門外探春來

寄望回

塞上何時謝枹關優遊琴酒舊家山小橋小艇相過處
橫徑橫塘一水間

行之席上送忠彥

客裏相看常草草酒邊一笑莫匆匆明朝各自東西去
回首江山宿霧中

訪唐尉

郭外青山帶勢斜松篁深處子真家年來鉦鼓渾無事
卧看殘陽映落霞

酬戴禹功聞蛙三絕詩

談經長下董生帷知有蛙鳴在曲池說似青衿來學者
莫因聒聒亂心思

春來蛙黽滿陂湖，勿為繁聲便疾渠。
萬物爾時均長養，洒灰未可信前書。

水畔螢飛雨過時，天涯逐客獨思歸。
慣聽相應昏昏月，好在橫塘舊釣磯。

亞叟惠龍腦菊二絕

州縣徒勞可自咍，便憐三徑老莓苔。
拂衣未作歸來計，且把黃花到處栽。

正色最宜霜後見，清香自是藥中珍。
明年把酒東籬下

采采何如舊主人

再和

節過霜風袞袞來幽叢渾欲卧蒼苔故知短簿朝天去
更為淵明特地栽

長笑麝臍難作敵未饒沉水獨稱珍移根只好留閒處
不見紛紛藥市人

贈別盧行之三絕

三載相從樂有餘也知志業在詩書柳亭蘸甲分攜後

更有何人得似渠

尋常送客一樽酒醉聽離歌亦慘顏今日匆匆折揚柳
高陽關裏唱陽關

百金買得玉麒麟千里看他氣欲奔知子猶能守家法
不應騎去傍人門

贈別應仲康功二絕

多謝故人憐逐客不辭追路到吳山誰知別意添悵斷
却送歸舟出北關

臘盡江梅未放春
欲將何物贈情親
端居陋巷有真樂
寄語吳門老丈人

蜡祭前一日致齋亭午風日和暖呈同舍二絕
明朝八蜡徧羣神
今日風光漸可人
須信少陵能體物
分明臘近已含春

午枕昏昏迎好夢
齋房寂寂稱幽人
却思寒夜諸公子
解作霜臺一笑春

過靈壁阻雨不得遊張園二絕

雲鎖蘭皋十畝園蒼官青士自磨門何須風雨遮來客
應怕莓苔有履痕

當年詩酒早盤桓無數蕭蕭碧玉竿雨籜風梢如好在
故應知我轉頭看

過強氏園詩

門外遊人撥不開城陰小徑點莓苔
疎枝淡蘂深深處
只有春風自往來

過朝娘墓所

夢中眉目尚分明一過空堂百感生
懷抱牽衣今已矣
春風渺渺暮潮平

題光武廟

聞道三千惟一心未應百萬怕王尋
可憐千載興王地
城郭摧頽樹草深

已卯元日持檄樂清界上望鴈蕩
集句寄寧師
笑指蓬瀛第十洲
青山歷歷水悠悠
眼邊江舸何匆促
寸步教身不得遊

過天姥見敏叔留題

尊酒都門昔解攜，繡衣持節大江西。
却尋十載經行地，半壁新詩手自題。

宿雲洞

巖壁經春長薜蘿，洞門亂石自嵯峨。
山僧祇愛雲雲長，不道人間雨未多。

梨花

飛瓊端是張公女，獨對東風無一語。
粉淚盈盈春欲暮。

看盡天桃作紅雨

妙智院雜花盛開而邑中獨未

山城紅紫看猶藥野蝶遊蜂祇漫猜却是此中春較早
等閒行處亦花開

試茶

此生貧與病相兼從仕居閒兩不堪莫怪年來有茶癖
要看滋味在餘甘

損軒詩

遷善宜將室欲叅此軒名損亦何談古來種種無非學
更好從頭問老聃

泗州堂

投宿山房第二回壁間題字已塵埃簿書奔走渾無定
更解偷閒幾度來

賈村三首

浩浩長河去不回先生風采亦悠悠
哉纍纍古塚漫秋草
日暮牛羊自下來

蘆葦蕭疎倚斷垣
賈家猶有兩三村
鋤犁蓑笠紛紛去
知是先生幾代孫

漲河秋水日渾渾
獨放扁舟過賈村
記得塵沙厭為客
初浮清汴出都門

環翠軒

橫塘歸路尚間關
環翠軒中幾往還
山水祇應隨處好
不勞回首白雲間

好是清風五月寒
便教忙殺也盤桓
最憐池水荷花滿

不與詩翁一處看

敏叔詩云來恨不逢池
水滿屏風圓住芰荷香

題平翠軒

簾捲清霜曉尚寒
好峯重疊在闌干
登臨每恨青山遠
今日青山枕上看

道旁人家小軒

方沼圓荷十數箇
短牆新竹兩三竿
憑欄盡日猶無厭
却借行人一餉看

斗野亭

得得來尋斗野亭亭今已作鎮官廳壁間多少新詩句
見說當年聚德星

醉柳亭

憶在河間醉柳亭十年南北嘆漂萍舉頭河上如相識
多謝逢人眼更青

過西湖懷詹致一

憶昨籃輿出城郭靈芝軒檻共徘徊故人短棹今天未
斜日湖山我獨來

陸馬戲作

病軀自覺海天遙，瘦馬誰教作意跳。也是諸侯老賓客，不妨造物惡相撩。

次韻張敏叔筠軒

蘭陵公子留題後，野草閒花變四時。惟有此君猶好在，年年添得歲寒枝。

孔顏畫像

亭亭一氣自渾淪，藹藹和風與慶雲。畫手千年聊寫似。

豈知天未喪斯文

寄邱覺

時在天台

每欲扁舟老江海不堪五斗尚塵埃
煩君且覓天台紙待取橫塘居士來

招琴僧

客心日日是塵埃寄語家山好在哉
流水松風無夢寐誰能特地抱琴來

戲遠大師

廬阜遠公真好事白蓮社裏盡高才師今更不曾沽酒
底事淵明日日來

淨光是老儿上見呂沙逸詩軸二絕

白髮龐眉一老僧掃除緣事室如水案頭唯有新詩軸
自說風流令尹能

天涯此日逢周子海內今年得呂侯自笑種頑終不比
可憐迂闊暗相投

羅源護國院危簿以為大類廬山因作兩絕句

石橋松徑入招提盡道分明是虎溪却恨歸鞍太匆促
不能月下聽猿啼

東林未到聞人說護國門前最逼真亦有遠公能好客
他年同作社中人

資福清軒

偶過清軒坐餉時道人煮茗索題詩紅塵六月門前路
踈雨泠泠滴小池

宿橫塘雨餘見螢感舊

一賦流螢二十年短篷還是未能眠此生擾擾何為者
寄語諸兒各勉旃

宿辯正

酒酣詩卷幾賡酬十載光陰一轉頭休聽空堦鳴夜雨
何郎雙鬢不禁秋

行之見招觀畫

喚我來看訪戴圖溪山慘淡雪糝糊扁舟也待江湖去
更有王維妙手無

乙巳五月十八日沈元鼎招飯昭慶登白蓮望
湖樓汎舟過靈芝少憩孤山下七絕句

蓮社羣公迹已陳壁間詩句尚清新湖山俛仰成今古
更好留題遺後人

樓前湖水與隄平湖上周遭翡翠屏徙倚闌干聊寓目
知公教我醉時醒

藕花亂點水中天小雨輕陰淡暮山試倩舟師連蕩槩
要隨飛鷺過前灣

鳴琴餘暇即湖山飛鷁傳觴縹緲間
只恐雙鳧朝帝所
不容長伴老人閒

幾年塵土客京華夢到西湖佛子家
今日扁舟還似夢
不知流落在天涯

蘋末渾無向晚風湖光湛湛磨青銅
平生箇處要如許
塵垢從今一洗空

雨過孤峯濯翠鬟亭亭倒影夕陽間
夷猶待看湖中月
可奈城門欲上關

經臣重九假馬同諸友登高

借馬登高日已曛一尊眊睨自相親
可憐山與無多地著盡秋來沒興人

病告看看近兩旬登高一一聽諸鄰
佩萸誰是佩刀者

落帽多應落解人

經臣秋試失
利時余在告

墨牛圖

一牛動是萬錢值墨指一作何紛綸
安得田家真有此坐令四海無饑民

出處由來祇一塗區區分別欲何如
試看信手作毛角
絕勝當年陶隱居

橫塘

春日橫塘綠渺漫扁舟欲去重盤桓
誰教向晚廉纖雨
又作殘春料峭寒

次韻戴人達遊靈隱

春來幾度過靈山不覺穿林錦籜斑
可是人間未炎熱
冷泉終日自潺湲

左經臣觀潮閣見招有祇把清風占得公之句
週遮豈得吾徒事省淨還為世俗嫌若把清風召人客
已應賽過水晶鹽

次韻江左司

長空翳翳木落處流水渾渾沙盡頭安得此身生羽翼
眼中長見釣臺秋

次江文韻

釣瀨沉沉月一鉤魚龍夜夜盡回頭狂奴活計非公意

乞與江湖萬里秋

學道誰言百不憂
欄干盡日倚樓頭
須知橫雨千山暮
不比西風一葉秋

擾擾爭碁局與籌也知一著在前頭
終朝下手渾無處
為底無人問奕秋

請公早早泛虛舟
多少行人在渡頭
看取清風起蘋末
片帆歛過五湖秋

平生有志慕前修
嘆息因循漸白頭
端向歲寒看松栢

始知凡木不禁秋

溫嶺界上

嶺北無端去抱關
嶺旁便是舊家山
回頭試覓歸時路
只在行人頃步間

剡溪橋

去去來來今幾秋
霜毛漸漸滿人頭
束書匣劍平生事
斜日江山獨倚樓

歸自濱州

扶踈弱柳綠初勻
啞啞黃鸝語未真
行路逢春渾不覺
却須說似探花人

馬首石詩

世俗亦知千里遠
却將凡馬被雕鞍
何人欲識真龍種
好向巖頭子細看

和朱深明

曾陪杖屨古荊州
十載光陰一轉頭
擾擾紅塵長滿眼
峩峩三峴獨橫秋

當年一笑得英遊，共弔沉碑漢水頭。
回首鹿門高遁去，人間姓字亦千秋。

贈左司

先生見告漢江上，居士歸從庾嶺頭。
白日火珠無玷翳，閒花野草是春秋。

和經臣閣上思彥章

登賞猶訢詩友俱，不知趙子更來無。
暮天好處須同賦，乞與人間作畫圖。

和江左司

新麥紛紛落磴時
旋看片片作銀絲
先生自足醍醐味
惻隱猶憐穉子饑

西湖夜歸口占送李泰發

山上徜徉湖上歸
月明千頃浸玻璃
明朝有客朝天去
多少紅塵在馬蹄

戴浚秀才需堂

客到需堂日已曛
從容樽酒話情親
欲來却去知何事

笑殺當年訪戴人

清陂堂

簿領他年解印歸尚憐江上子魚肥扁舟不學鴟夷子
只要清陂作釣磯

午枕欹時睡思遲含風百頃碧琉璃人生適意當如許
莫遣塵埃外客知

取次題詩留屋壁從他傳唱落漁家禪翁好事還堪笑
枉却青青一尺紗

過吳子厚和疇揚時可壁間新句

主人還往多佳客小閣逢迎不計時
蘸甲一盃梅福醉揮毫半壁子雲詩

題紫膏院壁

院有
茶山

雪消谿谷已含春雷動槍旗一簇新
解道人間最仙景風流無復杜陵人

望湖樓示世厚

樓頭滿眼是湖山瑟瑟清風燕坐間
三伏長塗走塵土

他年記取此時閒

寄盧中甫四首

霜風獵獵動旌旄
月落天低錦帳高
旄洮河三尺水
洗磨十萬血腥刀

九月都門風薄衣
夜碓聲裏鴈南飛
野人不識長安樂
且趁鱸魚一棹歸

朝來暮鹽何日休
塵埃滿面霜滿頭
草堂竹閣壓秋水
幾時和月弄扁舟

制勝關頭雪未融
崆峒山下又春風
此身不及涇川水
漾絮飄花日向東

寄筆墨紙兄長絕句三首

最憐修貢自峨岷
拜賜中天雨露新
好為先生載嘉句
却愁紙價湧京塵

潘生地 下骨應朽妙技猶藏天府中
刀筆未應當好賜
不如分付與詩翁


刑名去取漫怵怵
慚愧官家五色毫
老矣弟兄無用處

只應警銳屬兒曹

寸碧亭

此詩據東既
詩集增入

杖履尋常行樂處
不論小徑與幽亭
誰知蒼莽千峯外
尚有仙山一點青



欽定四庫全書

集部
橫塘集卷七
八

詳校官庶吉士臣張溥

侍讀臣孫球覆勘

謄錄監生臣龍舜耕

欽定四庫全書

橫塘集卷七

宋 許景衡 撰

制

越王偃第八男乞特賜名可除右驍衛將軍制
朕惟祖宗明帝堯之峻德以親睦九族積周家之忠厚
而本支百世慶流王邸克生多男肇頒爵命以為爾寵
蓋有國之常典非近屬之私恩矧吾叔父僉謂大雅之
不羣宜爾諸子咸知為善之最樂往服訓辭永綏福履

可

越王偲第十二女可宗姬制

勅眷吾叔父為時賢王席餘慶於祖宗盛鍾愛於閨闈
爰稽邦典載錫恩章爾性稟靜貞習知淑慎服姆師之
訓見於夙成閱圖史之規庶幾克踐益崇懿德允協令
名尚體眷懷永綏祉祿可

宗子安止正任觀察使制

勅漢唐宗室子智略類有可稱者而朱虛江夏折衝禦

侮卓然不羣著在史冊後世稱慕焉具官某於皇家為
近屬於環尹為顯位而能持心樂易志在有為比綠冠
攘乘城扞守有夙夜之勞有司奏功朕用汝嘉進陟廉
車是為異數其益自勵於忠勇庶幾無愧於古人可

通直郎向子扆除右衛將軍駙馬都尉制

勅具官某周詩之美王姬能致肅雍之化唐室之尚公
主必求文雅之流惟我國家稽古典禮若時下降宜舉
舊章以爾天資粹溫人物秀整凡今故相孰如文簡之

一門詒慶後昆時乃欽聖之餘澤擢居築館式重國姻
進秩副車參官環衛其益恩於兢慎尚永對於恩榮可

向子辰除正任刺史駙馬都尉制

勅婚姻以時二南以基王化夫婦有義五典以叙人倫
屬嘉禮之告成疏茂恩而進秩具官某風姿凝粹器宇
靖深生于勲德之門習知詩禮之學眷貴主之下降涓
穀旦以有行爛然車服之儀申以爵祿之寵粵從環尹
遙總守符進以才能當知選尚之意宜爾家室允資德

義之修徃復訓辭益光時譽可

陳邁中山路安撫使制

勅師克在和方慎鎮綏之寄人惟求舊益隆注倚之私
乃眷老成申頌優渥具官某早以風幹寢被簡知敦郤
穀之詩書游分閫寄師留侯之智勇灼著戰功屹若長
城護我方面屬茲易地還蒞舊封拊循兵民謹守疆圉
緊爾中山之重寬予北顧之憂可

李邈依舊真定安撫使制

勅自金人侵侮河朔用兵多士獻言莫先擇帥朕惟用
人在乎因任泛舉不如求舊於以底績不亦優乎具官
某以孝為忠寓文於武出守關塞持節西河威名灼著
邊人信服比膺東求分閫全趙易鎮定武乃以親名自
列避而弗居是用申命俾仍舊服維我祖宗善馭將而
漢班超則善守邊撫育將士綏靖疆場使敵人畏威而
遠遁惟爾勉之益勵乃績可

郭奉世除集英殿修撰制

朕惟盜賊竊發或稽天誅若守將得人則兇徒必獲以爾奉世早以吏能見推多士出守高密政績可觀比者逋卒狂悖侵擾吾民爾能提兵乘時掩擊斬獲之多至于千數威名暴著達于予聞論撰集英士夫高選不獨旌爾之勞烈且以為四方守臣之勸焉益究壯猷以俟褒陟可

商守拙除直顯謨閣制

朕惟河朔比罹寇攘若守將得人則兇徒自潰以爾守

拙精於刑名之學夙有平反之譽出臨便郡施設可觀屬盜賊之竊發嚴壁壘而固守躬冒矢石至傷體膚而能裒創督戰以全吾圉載惟忠蓋良極嘆嘉其進直於西清以表勸於北道勉惟竭節嗣有寵褒可

郭琰陝西轉運副使兼制置解鹽使制

勅具官某解池滋息實佐邊費迺者任非其人公私告病肆求能吏俾經理之爾琰早以風幹屢更使指蔚有望實稱于搢紳其以冊府論撰之職往副關陝漕輓之

事凡鹽澤之盈虛貿易之政令惟爾精講而力行之使
商賈流通邦計給足時乃之職可不勉哉可

許高可閤門宣贊舍人制

勅具官某贊朝儀于宸閣總憲禁于一路厥惟能吏乃
堪是選爾有幹材重以勇果自河以北今以命爾訓練
民兵驅逐盜賊使疆場無擾而閤里安安爾之職也往
其懋哉可

知威勝軍張堯佐可閤門宣贊舍人制

勅具官某金兵內侵綿上闕守爾初臨孤壘安集驚擾之餘僉謂有勞宜膺褒寵夫贊儀上閤而剖符邊州亦武士之高選也益懋勤績以對恩榮可

劉錡除閤門宣贊舍人制

勅具官某贊儀上閤武選之要職也朕所慎擇今得其人以爾錡名將之子能守家法乃者賜對便朝敷奏詳明俾踐厥次是為優寵益思自勉以稱簡求可

劉衍宣贊舍人制

勅具官某贊儀上閣武士之要選爾以智畧見稱流輩
今以命爾往參戎幕尚其自勉以趨功名之會副朕超
擢之意欽哉毋忽可

朱靖等授官制

勅某等爾等各以勇鷲早隸軍籍積年有勞易官班祿
往承新命益務忠勤可

俞平等授官制

勅酒醴之政付諸有司爾等各以恪勤遂膺初命賞則

優矣往其勉哉可

靳澤等授官制

勅爾等宿衛有年各能不懈以及入官之格其祇初命
益務忠勤可

劉珪轉兩官制

勅具官某邊臣無守禦之備乃欲棄捐堡砦爾能固護
以全吾圉其功可錄矣進官二等以為爾寵往惟欽哉
可

倪臯等各轉一官制

勅具官某等酒醴之政付諸有司爾等各率乃職訖事無曠進官一等以旌爾勞往服欽哉益思來效可

時孝悌轉一官制

勅具官某爾祇役于官服勞良久進官一等以錄爾勤往其懋哉益圖報稱可

蔣祖師等轉官制

勅具官某爾等蒞職外府能佐而長剡奏來上請錄爾

勞進秩茂恩往其祇服可

朱革轉兩官制

勅具官某爾項為帥屬從軍兩河今錄爾勞進官二等
往其祇服益懋忠勤可

成忠郎賀注轉兩官制

勅具官某捕寇尉職也能盡其職則懋功之賞朕亦何
愛焉乃者青寇嘯聚林莽爾能掩獲以靖里閭進官二
等以為在職者之勸可

崔廣等轉官制

勅具官某項者金人侵擾邊壘爾等咸奮忠勇一掃烽烟兵民帖然良以爾等能自竭也或進職上閤或增秩一等以寵爾勞益思戰守之力尚有殊恩以俟後效可

脩武郎趙思道轉官制

勅具官某廼者西戎擾塞下爾能自奮斬首却敵宜從進秩以旌爾勞可

祈立等轉官制

勅敵師深入邦畿繹騷爾等各奮忠勤血戰却敵奏功第賞超進厥官往膺不次之恩益勵無前之勇可

王子玘等轉一官制

勅具官某等羌戎犯順侵軼邊陲爾等身先士伍各有斬獲進官一等以賞爾勞益勵忠勤以俟褒顯可

李忠等各與轉官制

勅具官某戎騎侵軼爾等各有斬獲之功進秩之恩以為爾寵徃其欽哉可

奉議郎宋晟轉一官制

勅具官某爾能修戎器部民兵以守衛王畿其勞亦可
錄矣進官一等徃惟欽哉可

向齋轉官制

勅具官某王師出塞破賊巢穴爾能力戰有功行間褒
進爾官以為將士之勸可

王邳等轉一官制

忠以衛上人臣之節賞以勸功有國之權故高爵厚祿

非以苟私貴昵亦視其功之如何耳具官某早隸仕籍
久于器使或祇事上閣或列職禁省恪恭匪懈蔚有能
稱比因軍興區處纖悉有夙夜之勞進官一等為爾輩
寵各殫乃心以圖報稱可

茹端轉官制

勅具官某爾以勇果從軍禦寇累功議賞併進厥官往
其欽承益務報稱可

劉良弼等轉三官制

勅具官某等敵騎侵軼邊陲繹騷爾等各提孤軍力戰
拒敵功未就而忠有餘使者以聞朕用嘉嘆進官三等
以旌爾勤徃究壯圖以對殊寵可

全端夫轉官制

勅覃慶渥澤實均在服而爾兄以改授為請於以見友
恭之義丕從厥志徃服茂恩可

郭彥章等轉官制

勅具官某等廼者愚民嘯聚山谷爾等各奮忠勇俾即

就擒今部使者列上功狀進官一等以旌爾勞往服寵
榮益思報稱可

權南豐巡檢高騰因本寨兵級聶成等作亂勦
殺淨盡轉一官制

勅具官某卒驕倡亂威不素行非一日之積也錄爾倉
猝弭亂之功而略其不素訓整之罪可謂厚矣進官一
等其克欽承可

馬燾轉一官制

勅爾等各以勇果從事戎行簡募土豪龍繫冠賊載嘉
勤績進官一等益著來效以俟茂恩可

武德郎張仙等各轉二官制

勅具官某軍校狂悖驚擾兵民汝等各能掩捕俾即伏
法進官二等以旌智謀往其懋哉益思後效可

湯材等轉一官制

勅具官某敵騎侵軼爾等各有守禦之勞有司奏功進
秩一等勉脩職業以稱恩榮可

鄭宗孟轉官制

勅具官某齊寇竊發屬邑騷然爾率卒徒多所斬獲併進爵秩以錄爾功往惟懋哉尚思來效可

孫世詢等轉三官制

勅具官某逋卒狂悖侵擾旁邑爾等各能率先仕伍破其巢穴剪除醜類並著戰功超遷三官是為殊寵益懋忠勇以對恩榮可

劉之才轉三官制

勅具官某逋卒狂悖并邑騷然爾能躬帥其徒乘時斬
獲奏功來上超進三官益務忠勤尚有褒寵可

龍安等轉官制

勅具官某爾等皆隸兵籍比緣脅從陷于非義而能以
忠勇自奮糾率其徒屏除首惡初雖失道卒能自新功
罪相除朕不終棄或擢居朝列或躡進武陞益思勉勵
以報不次之恩可

高景雲轉官制

勅具官某文武一道也而或不能兼焉者非才不足學
不至耶以爾景雲早以詞藝聞于縉紳冊府宰屬更踐
滋久出守北州屬有邊警忠義不懼惟道是守捍禦有
方卒固吾圉錄功進秩以寵爾勞徃其勉之以為文武
全材則朕汝嘉可

王雄等轉官制

勅某官屬者逋卒侵擾冀方爾等能率其徒屏除斬獲
奏功第賞各進爾官以為忠勇之勸可

王彥轉一官制

勅具官某爾以彊勇躬督士伍翦除醜類以靖邑境進官一等用旌爾勞往服恩榮益勤乃職可

全淵轉一官制

勅具官某爾等列職禁省屬當軍興招置強勇部勒衛從有夙夜之勞第功來上進官一等以寵爾勤往惟欽哉以圖來效可

董士良轉官制

朕仰遵祖宗成憲刊正官制以祿左右之臣恩數寵章於是為稱以爾士良從事禁闡恭謹不懈涉時久矣累官至是抗章有稱願從曩制勉服新渥益思所以為報者可

張公濟等各轉一官制

勅具官某爾以強勇射藝絕倫進官一等以為武力之勸往其欽哉可

士琛等轉官制

勅金人大舉侵擾畿甸軍書奏報汝等有勞第功進級
徃其欽哉可

康弼轉一官制

朕初嗣位均澤海內進秩文武之士以同邦家之休具
官某早以恪勤官于禁省祇事率屬蔚有能稱推此茂
恩遷秩一等益思矜慎以對寵榮可

孟濤轉官制

勅具官某爾祇役樞府實掌軍書積日有勞宜推懋賞

往勤乃職以稱所蒙可

趙昇等轉官制

勅具官某爾等各以武力宿衛有勞射藝中程宜膺懋
賞併進祿秩往惟欽哉可

趙明誠轉一官制

勅逋卒狂悖驚擾東州爾為守臣提兵帥屬斬獲為多
今錄爾功進官一等翦除殘孽拊循兵民以紓朝廷東
顧之憂惟爾之職往其懋哉可

曹格等轉官制

勅通卒狂悖驚擾東州爾等能率其徒頗多斬獲併進
爾秩以寵忠勤往惟懋哉以稱優渥可

劉士通等轉兩資制

勅具官某項者元帥摠戎河朔爾等有軍書奏報之勞
各命以官往其祗服可

張燾宣教郎制

勅具官某往者敵兵侵軼近郊爰命樞臣總守衛之役

而爾實預幕府贊畫居多今錄爾功申命進秩然爾方
官中秘涵養器業以須世用則褒延之寵實肇自茲往
惟懋哉以稱朝廷期待之意可

林朝佐可承節郎制

勅具官某爾攝事遠邑督捕羣盜有司議賞進易武階
徃其欽承益務忠勇可

李忠等補承信郎制

勅具官某金人入邊軍書奏報爾等有勞各命以官徃

其欽服可

郭元明補承信郎制

勅乃者逋卒迷而不復爾能道朝廷恩意俾之悔罪自歸有司今錄爾勞命官初等徃其祇服益思報効可

南景仁可承信郎制

勅具官某爾以勇果從軍兩河畢事奏功宜膺初命祇服寵獎益務公勤可

孟涓等並合轉承信郎制

勅某等樞臣總戎鎮撫北道爾等各隸帳下有奔走之勞往服初命益務忠勤可

劉慤致仕合換武節郎制

勅具官某爾以恭慎列職禁省茲緣疾憊辭榮而歸易秩武階永綏壽嘏可

何志同復顯謨閣直學士制

勅朕纂受丕基均澤四海乃眷在服槩霑褒進之榮矧吾邇臣宜申叙復之命具官某天資豈弟世濟忠嘉早

被眷知進履華近比坐過誤既閱歲時宜從曠恩稍還
舊物雖外司於真館尚益勵於遠圖可

吳執中追復述古殿學士制

勅示好惡以正風俗錄徃善以勸來者此為政之大方
而今日之先務也具官某有通變之才有特立之操博
聞精識洞達當世之務忠言讜論不撓羣枉之間受知
先皇再執邦憲排擊奸慝杜絕濫恩謂內侍擅權將有
意外之憂而新邊置郡徒耗海內之力至於花石之糜

費後苑之淫巧慨然指陳多見開納雖清議所共與要
直道之弗容乃從左遷未幾淪謝精忠凜然不泯當宁
久而益思肆朕臨御屬茲艱難覽明哲之建言若著龜
之先兆是謂三代之遺直獨嘆九原之不作宜覃渥澤
追復秘殿英爽不昧服此恩榮亦使有志之士知朝廷
之於賢者猶不忘於泉壤也可

宋伯友復官制

勅過青有罰類從左授計期而還其官者哀矜之令典

也矧在邇列其可後乎具官某早以時望久于器使更
踐省寺進登禁途平反庶獄有忠厚之譽註誤降秩亦
既累年俾復舊次是謂茂恩其體予寬宥之意所以施
於汝者以之讞疑則刑清而民服矣尚勉之哉可

周武仲復官制

勅具官某朕臨御之初均澤海內褒進文武之士俾同
邦家之休矧吾邇臣叙復之寵獨可後乎以爾比由時
望踐更器使司刑中省執憲南臺蔚有能稱著于士論

坐法左授亦既累年屬茲慶賚悉還祿秩祇膺新渥益
勵遠圖可

趙子洎復職制

勅具官某朕初臨御大賚天下無有疎昵咸被渥澤而
況嘗列侍從者乎以爾宗室之子幹敏有稱項坐過差
錫職次對屬茲覃慶宜賜寵章論撰冊府嚴奉祠庭是
為異恩徃其祇服可

盧益等復職制

勅朕纂受丕基大賚四海褒進文武之士俾同家邦之
休矧在邇聯宜膺寵叙具官某早以時望揚于禁塗比
隸刑書載更歲籥茲從新渥一洗宿愆其還西清次對
之班尚仍東州拊綏之寄勉服異數益勵遠圖可

檀倬張志胡松年李璆高伯振復職制

勅具官某朕嗣位之初均澤海內褒進文武之士俾同
邦家之休矧在邇列宜膺寵叙以爾早被識擢亟踐華
要持橐禁路掌制詞掖坐法左授亦既累年屬茲新渥

一洒宿負論撰秘殿嚴奉真祠是為殊恩徃其祇服可
方孟卿張動等落職制

勅具官某轉輸六路以給中都常選才臣庶幾協濟爾
等各以時望屢更煩使而處畫乖刺濡留道塗舟師散
亡米粒朽腐豈不重負朕任屬之意哉宜罷直閣尚仍
漕事毋忘省循以補過自効可

余深落觀文殿大學士依前特進致仕制

勅附下罔上久鬱人言置散投閒用伸邦憲不獨為人

臣之常戒抑以示天下之至公具官某比以時名驟膺
器使宜盡瘁以體國乃懷利以事君附麗要權樹植黨
與言路抗疏觀望風旨而橫肆中傷詔獄窮姦灼見邪
慝而陰為道地訖從羣枉更踐要塗叅預政機進登宰
席苟得尚容於居位不祥莫大於蔽賢凡所選除皆由
請囑寧復顧於公論唯知報於私恩當軸處中所操如
此庇民尊主斯言謂何亦既罷歸尚存體貌擁節旌於
將閭優餼廩於祠庭爾則擅以為榮人皆憤其非據茲

覽引年之請亟推從欲之仁而宿負益彰清議弗置姑
鐫顯職俾即安居朝廷保全之恩於汝厚矣臣子省循
之念尚其勉哉可

李丙落徽猷閣待制制

勅彰善癉惡以清風俗此有國所常行而今日之先務
也具官某早以文藝薦被任使不能自持比麗元惡雖
竊一時之寵而抱無窮之悔比嘗杖拭畀以中權而宿
愆益彰公論弗貸鐫職延閣徃司祠庭尚為寬恩毋忘

內訟可

李仲詢特落致仕差知濬州制

勅具官某以爾廉幹試更有年旅力未愆遽爾謝事眷
惟濬州宜得良守大臣僉謀以汝名聞亟從退閒往踐
厥次撫兵民備守禦汝之職也尚其懋哉可

周敦禮等仍授職制

勅具官某爾等引年告去筋力未衰再錫官榮還隸仕
籍各勤乃職以對茂恩可

翁彥國落徽猷閣直學士制

有功則見知過者則必罰此天下之至公也雖在邇列
朕不敢私焉具官某有政事之才有鎮撫之譽更踐中
外閱日滋久將漕六路宜優為之而舟師散亡米粒腐
敗豈措畫之弗早抑佐屬之弗力耶其鑄西清次對之
班尚仍東南餉餽之寄益圖後效以稱寬恩可

黃鍰落直徽猷閣制

勅具官某士以潔廉自持而以勤瘁事國庶幾無負於

名教爾持節一路則黷貨以媚權貴贊畫幕府則憚勞而莫肯行雖爾善自為謀而朕獨安取此延閣清切非爾所宜居也斥歸銓部徃務省循可

皇甫僅降宮祠制

勅子之能仕父教之忠厥或不恭宜誰之責具官某祇事禁省有年于此而羣小妄議既抵邦刑爾為其父獨無失教之罰耶露章自劾姑示矜容斥從外官俾司真館是為寬典無忘省循可

翁彥國等特降兩官制

勅具官某東南歲漕六百餘萬以給中都祖宗法度纖
悉備矣有司能率而行之則為稱職以爾等各以吏幹
見稱多士肆朕推擇俾使六路而措置或戾于法漕舟
濡滯米粒朽敗亦既薄罰而論者不汝貸也降秩二等
以責來效惟爾勉之以求合于祖宗成憲則朕豈以一
眚掩爾善耶欽哉無忽可

武功大夫王宗禮降兩官制

勅具官某爾列于有司而徇私託疾以曠厥職此法所不容也姑從降黜以警在位毋忘循省庶幾補過可

黃澤等降兩官制

勅官各有守若皆徇私託疾則有司之事廢矣可無罰乎具官某等各以勞能踐更煩使謂宜盡瘁周旋厥職乃以病諗至于再三苟可彊勉于公家何至誑欺而蕪免降秩兩等不獨小懲且以警夫在位者可

杜宣降官制

勅具官某職教事而士卒媮惰射藝弗中程式宜誰之責也薄示降黜往其省循可

張見道等降官制

勅具官某比詔有司窮治僥倖籍其貲產以正邦憲爾等方命漫弗欽承屬更赦宥姑從降秩之罰尚其省循毋重後悔可

宋喚責授單州團練副使永州安置制

朕昭示好惡大判淑慝悉屏姦巧投畀遐荒不獨少清

於仕籍庶幾大正於邦刑爾以浮薄之資席世家之舊
粵從卑冗依憑親黨出守節藩入貳禁省華除要職談
笑得之比緣奏稟稱造語言敢為面謾且陳已力徇私
背公嗟爾何至於此以無為有聞者為之憤然向覽彈
章姑從薄責而公論未允言者弗置其以散秩斥之荆
蠻服我寬矜毋忘循省可

范夙特贈朝奉郎集英殿修撰制

勅具官某士之進說有忽於當時而見思於後日黯黯

於平生而顯白於身後者固多矣念非錄其往善則何以為後來之勸乎以爾為大臣子篤學好直憤宦者之出使緣橫斂而為姦慷慨有陳卒以貶死聞者惜之比朕臨御亟誅首惡憮然興懷優爾卹典論撰秘殿士夫清選爾尚不昧知遺志獲伸當釋然于泉下矣可

曾燾贈官制

人臣死難朝廷卹典自一命以上無遺者矣又況於親近者乎某官祇事禁省有年于茲扞衛乘城死于驚擾

贈賻良渥以寵忠勤尚其有知服此休命可

詹度祖母周氏特贈建安郡夫人劉氏特贈建

康郡夫人制

勅國家有大慶則士大夫皆得叙封其親其於爵尊位重則褒寵有至於再世三世所以加惠臣下而同其福祿者不已厚乎此近古所未有也具官某祖母某氏躬有懿德作嬪慶門克相其夫以氣節自重辭榮早歲養高邱園積厚之施乃在諸子知名當世更踐要塗亦有

爾孫以守邊鎖粵從小君進封大郡尚惟不昧以享此
休顯之明命可

父文贈開府儀同三司制

勅孝子之事親也生則有養沒則有祭而國家之于多
士自通籍以上則又有追封之典焉盖方責其盡忠之
效則徇夫罔極之報者曷可已哉某官父某詞藝之學
政事之林更踐中外茂著風績未究施設奄爾殂謝乃
克有子銜訓嗣事司吾邊鎖有守捍之功叙贈之秩已

躋二品茲用申命進同三司所以為泉壤之榮者極矣
則為其後者可不思稱所蒙哉可

母何氏特贈榮國夫人制

勅凡人富貴其身則思顯其父母而國朝叙贈之典非
獨為死者之寵亦所以慰夫生者之情也某官母某氏
生于令族克配君子閭德之懿實昌其家惟時慶嗣為
國連帥褒崇之命進封大邦尚惟淑靈享此休顯可

故妻王氏特贈太原郡夫人制

勅士之有勞于朝廷則不獨爵命其身而又褒崇其家
室故雖已往亦預斯榮焉某官妻某氏溫柔靜專來媿
慶闕不幸天折弗終顯榮其以小君追畀大郡尚克有
知享此休寵可

妻劉氏可彭城郡夫人制

勅周衰法度廢名稱浸訛孔子患之為正名焉故邦君
之妻謂之夫人稱諸異邦則曰小君然非有懿行亦何
以稱此名哉具官某妻某氏婉婉溫恭聞于族姻作配

巨室克主饋事進封名城以正小君之號尚其祗服對
此榮稱可

鄭成之故妻王氏贈越國夫人制

勅國家有大慶敷錫天下不間疎昵存沒咸被渥澤又
況於戚里之近屬哉具官某妻某氏柔靜溫恭茂著閭
德嬪于慶閥問譽藉甚降年不永弗究顯榮進封大邦
以賁泉壤淑靈不昧尚克享此休稱可

席貢母趙氏特贈燕國夫人制

勅觀其子之賢否則知其父母之所積而朝廷追榮之
典亦因其所積之厚薄以為爵命之崇卑具官某母某
氏生于令族蔚有淑聞來嬪慶門寶昌其家克訓諸子
為時聞人持橐禁塗分閫帥路追榮之恩嘗啟大國茲
用申命改封全燕尚其有知以享此休顯之報可